



UNIVERSITÄTS-  
BIBLIOTHEK  
PADERBORN

**Praxis Beneficiorvm D. Petri Rebvffi Montispessvlani  
Ivrvim Doct. Ac Comitiss, Ivrisqve Pontificii Ordinarii  
Professoris Paris. & ibidem in supremo Senatu Causarum  
Patroni**

**Rebuffi, Pierre**

**Coloniae, 1610**

Formula dispensationis Papæ, de non promouendo.

---

[urn:nbn:de:hbz:466:1-63686](https://nbn-resolving.org/urn:nbn:de:hbz:466:1-63686)

Formula dispensationis Papa  
de non promouendo.

**I**lius, &c. dilecto filio N. parochialis ecclesie sancti Andree curato Parisiensis diocesis salutem: Laudabilia, &c. hinc est, quod nos tuis supplicationibus inclinati, tecum (qui vt asseris) in iure canonico scholaris, & in minoribus ordinibus dumtaxat constitutus existis, vt ratione parochialis ecclesie N. Paris. diocesis quam canonicè & pacificè asseris te obrinere, quiq; infra annum à tempore assecutionis eiusdem fore dignosceris, vsque ad biennium à fine anni à iure tibi præfixi computandum, ne ad aliquem ex sacris etiam subdiaconatus, diaconatus, vel presbyteratus ordinibus huiusmodi te facere promoneri minimè tenearis, neque ad id à quodam inuitus valeas cogi. Lateranen. & Lugdun. conciliis, & quibuscunq; aliis constitutionibus, priuilegiis, consuetudinibus, fundatione, vel aliis Apostolicis contrariis nequaquam obstant. autoritate Apostolica de speciali gratia indulgemus, prouiso quòd Ecclesia debitis interim nõ fraudetur obsequiis: & animarum cura in ea non negligatur, &c. Datum Roma, &c.

**H**is præmissis facilius nobis erit, & certius decidere quædam dubia, quæ ex hac dispensatione vidi plerumque suboriri primum an si hic dispensatus obrinuerit aliam ecclesiam post

dispensationem, teneatur quoque dispensatus quò ad eum, ne teneatur promoueri intra annum adeptæ possessionis & commissionis regiminis, quod prima fronte videbatur.

6 Contrarium tamen est dicendum quandoquidem hic Papa concedit, vt ratione parochialis ecclesie sancti Andree non tenearis promoueri: ex quo liquet mentem Pontificis non vterius extendendam esse: quamobrem ex intentione deficit dispensatio. *c. mandatum. ibi, non fuit intentio mandatoris, de rescr.*

7 Ob id ad vitandum dubium, addere debes in signatura, Quòd nullo modo teneatur promoueri ratione huius ecclesie, nec ex alia quacunque causa etiam si aliam adipisceretur, & tunc noua opus non erit dispensatione: & hoc solemne apponere, aut cuiuscunque alterius beneficii ecclesiastici curati, vel aliàs sacros ordines requirentis per te pro tempore obtenti, &c. *vt in forma breuis inferius videre licebit.*

8 Secundum se offert dubium, de eo qui ecclesiam possidebat non canonicè tempore dispensationis, sed postea quidem eam canonicè obtinuit an hodie videatur dispensatus: & videri dispensatum crederem, sed per illam clausulam non datur titulus ad illam ecclesiam: sed tantum narratur factum partis ibi, quam canonicè & pacificè asseris te obtinere.

9 Et quando dispensatur cum isto non habente canonicum titulum, non est necessaria noua traditio, seu adeptio possessionis beneficii, sed primam sufficit continuare. *per §. interdum, de verum diuis. in inst. Cardin. in c. vlt. §. 6. distinct. not. vlt. Boer. decis. Burdet. q. 219.*

10 Tertio, ibi, Quique intra annum à tempore assecutionis eiusdem fore dignosceris. Etiam vidi dubitari, an hoc sit in hac dispensatione exprimendum: Respondeo exprimendum esse: quia nisi esset intra annum, iamque priuatus esset eo beneficio. *per c. licet canon. & c. commissæ, de elect. in 6.* ob id esset beneficium tanquam vacans de nouo conferendum, quamobrem,

*Clausula in dispensatione de non promouendo ponenda.*

*Dispensatio prodest ad beneficium quod postea in se obtinuit.*

*Dispensatio de non promouendo intra annum ponenda est.*

*Dispensatio de non promouendo ratione vnius ecclesie, non tenetur dispensatio nisi alia addatur.*

non

non nisi intra hunc annum dispensatio huiusmodi reciperetur, per l. *si marenze. ff. de precar.*

*Prorogatio dispensationis fieri potest, & ad quod tempus.*

11 Nam aliud est prorogare precarium eo durante, vel finito: quia si eo finito prorogetur, nouum est precarium, Boer. in *de. cis. Burdeg. l. q. 284. & 294.* & hæc prorogatio non debet longius tempus continere, quam principalis dispensatio: quia acceleratorium non solet esse maius suo principali. *l. cum non principalis. ff. de rez. iuris. ubi doc. nisi fuerit in subdiaconatus ordine constitutus, aut alias legitima fuerit prorogationis causa: ut statuit Alex. in 6. id temporis pontifex maximus, in tit. de prorog.*

12 Quarto ibi, vsque ad biennium non tenearis promoueri, an illa dictio vsque, includat totum biennium? & respon. includere. *l. post duos. C. de a. l. uos. diuersi. iudicio.* nam quidam dicunt, hoc tanquam fauorabile venit extendendum. *l. cum quidam. ff. de liber. & posth. Alber. in a. uthen. hoc ius. C. de procura. dixi in tract. de senten. prouiso. artic. 2. gl. 3. [in 1. homo commenta. in const. reg.] & plenius in l. absentem. ff. de verb. sign. & sic in isto biennio non tenebitur promoueri secundum quosdam: alioqui non daretur dispensatio biennii sed anni tantum: quod est verius.*

*Dispensatio de non promouendo ad biennium quomodo computetur.*

13 Quotid quæro à quo tempore computetur hoc biennium, responderetur in literis, videlicet à fine anni à iure tibi præfixi computandum. Annus autem hic à iure præfixus est vigesimus quintus annus in minoribus, intra quem ad sacerdotium quis promoueri tenetur. *cum in cunctis, de elect.* & sic iste tenebitur in vigesimo octauo anno promoueri, alioqui elapso vacabit beneficium.

14 In maioribus verò annus à iure præfixus ad promouendum est annus à die commissi regiminis & pacifice possessionis computandus: vnde si quis calendis Ianuarii 1540. obtinuerit ecclesiam parochialem, habet illum integrum annum ad promouendum, nec est priuatus nisi toto hoc anno elapso. *c. commissi, de elect. in 6. & si hoc anno impetret dispensationem ad biennium, fortè calendis Februarii nõ*

tenebitur promoueri ante quadragesimū tertium: quo elapso anno si non fuerit promotus, vacabit beneficium per non promotionem.

15 Nam primò debet computare annū à die collationis beneficii, & pacifice possessionis, & postea biennium ex dispensatione à fine anni dictæ collationis, quibus tribus annis elapsis nisi promotus fuerit, vacabit beneficium: *vt in d. licet canon. & c. commissi, de elect. dicas tamen vt inferius elucidabo per curiæ Arrestum.*

16 Sed nonne licet extensionem & prorogationem istius biennii obtinere? Respon. id ex voluntate Papæ consistere: nempe si causa prorogandi addit, requiritur tamen expressio primæ dispensationis, aliàs non valeret secunda. *per c. fin. de filiis presb. in 6.*

17 Sextò indulget Papa ne hic impetrās teneatur promoueri, nec cogi possit ab aliquo: liberum ergo est ei si velit citius promoueri, sumendo argumentum à contrario, quod est validum. *c. cum Apostolica, de his que sunt à prel. l. i. ff. de offi. eius cui manda. est iuris.*

18 Septimò ibi, ne ad aliquem ex sacris, Dispensatio tollit dubium motum ex eo, quod non nulli asserunt dispensatum, vt haberet beneficium curatum, non censeri dispensatum, quia in 18. anno ad subdiaconatum necur alio promouetur, & in 20. ad diaconatum: *vt quem ex docet Petrus Anchar. cons. 103. vltra. & cons. 304. sacris iuris.* Sed contrarium hic apparet per istā clausulā. *ne ad aliquem, &c. vt ad nullum ex sacris in ordinibus promoueri teneatur ante dispensationem finitam, scripsi in trac. nomina. quæst. 9. in si. q. & sine dispensatione expressa tene quod scripsi in tracta. nominatio. vt promoueri teneatur (vt superius dixi) tempore iuris.* Et hoc est declaratum in c. cum ex eo. *de electio. lib. 6. aliàs frustra ista clausula, ne ad aliquem ex sacris, &c. adiretetur. Item Papa in dispensatione expressa hoc vult. in d. ca. cum ex eo fortius in tracta. & hoc docet gloss. ibi in verb. subdiaconatus & Perus.]*

19 Octauò ibi, Lateranen. & Lugdun. conciliis non obstan. de hoc concilio Lateran.

teran. tex. est in eap. cum in cunctis de elect. & de concilio Lugdunen. in c. licet canon. in titul. reliquas non obstantias declaravi in bulla nouæ prouisionis supra in bulla dispensa.

20 Vltimò quò dilucidius materiam istà nobis prosequi liceat, adiungam hic reg. Cancell. Iulij. 3. quæ est num. 25. per quam malè promotos à bene promotis facile dignoscere possimus, additis meis quibusdà scholiis. non parum huic rei (vt puto) conferentibus.

DE CLERICIS AD SACROS ordines malè promotis.

Regul. cancell. 25. Iulij tertij.

Item de clericis extra tempora à iure statuta.

Sicre cupienti quinam ritè sint promoti, contrarium eius præmittendum est, videlicet quimale, velut docet Iurif. cons. in l. ff. de his qui sunt sui vel alieni iuris. quòd cognito vno de contrariis, cognoscitur & reliquum. Quamobrem hic notandum est quem dici malè promotum multis modis.

2 Primò, cum est promotus extra tempora à iure statuta, vtpote extra quatuor tempora. c. 3. de temp. ordi.

3 Statuta tempora à iure sunt, vt minores ordines dominicis & aliis festis diebus conferantur, & consecrationes virginum fiant. c. de eo. de temp. ordinand. Ordinationes verò sacerdotum, id est episcoporum [quòd die domino celebrantur, non tantum ex consuetudine, sed etià ex Apostolica [no uimus venire] doctrina, scriptura manifestante, quòd cum Apostoli Paulum & Barnabam ex Spiritus sancti præcepto ad Euangelium Gentibus mitterent prædicandum, tetinantes & orantes imposuerunt eis manus: vt intelligamus quanta & dantium & accipientium deuotione curandum sit, ne tantæ benedictionis sacramentum negligenter videatur impletum. c. n. & c. quo die. 75. dist.

4 Prima verò tonsura quolibet die con-

ferri potest, cum iura certum diem in ea non præfigant: & sic obseruatur de generali consuetudine, teste Hostien. Ioan. Andr. & Card. in c. pen. de temp. ordin. per ca. cum contigit, de etate & qualitat. & tã in diocesi. quàm extra diocesim potest episcopus suis subditis tonsuram conferre: vt docet Barb. in c. nouit, de offi. legat. & scripsi in tract. nominatio. q. 14. nu. 29. & 65.

5 Et minores ordines, quando episcopo, & vbi videbitur, dari possunt, sacri verò nunquam, nisi in publica ordinatione, capit. quando. 75. distinet. & ordines sacri solent in maiori ecclesia conferri. gloss. in cap. ordinationes. 75. distim. de consuetudine. episcopi conferunt hos itidem, vbi volunt, teste Floren. in 3. summa parte. capit. 14. capit. 16. §. 17.

6 Non debet etiam episcopus generalem ordinationem de his minoribus facere, ideo vnum aut duos ordinare potest, non quin plures ordinare possit, sed caueat ne generalem ordinationem faciat, dari possit in quatuor temporibus anni. ca. de eo, sine. & ibi doct. de temp. ord. Præpos. in ca. quod à patribus. 75. dist.

7 Item ordines sacri, videlicet subdiaconatus, diaconatus, & presbyteratus, nisi quatuor temporibus, xut sabbato sancto, vel sabbato ante dominicam de passione conferri non debent. c. 3. de temp. ord. c. quoniam, in fi. & c. si. 75. dist. [alioqui extra tempora collata sunt.]

8 Sed quare potius his temporibus quàm aliis? Præpos. in c. quoniam. §. ceterum. 75. distinet. resp. quia sacerdotes, & alij clerici locum eum obtinent in ecclesia, què olim Leuitæ penes Israeliticum populum obtinuerunt, quos vt lib. Num. legitur, Dominus pro primogenitis recipit, & eos in Ægypto, dum primogenita Ægyptiorum interficerentur, custodiuit, cum quasi primitiæ sint: vnde quasi primitias domino offerimus, cum aliquos ad sacros ordines damus: conueniens ergo est, vt pro primitiis temporum. i. quatuor temporibus primitias hominum offeramus. hæc ille: longè tamen videtur petita ratio.

9 Item introductum est his quatuor an-

svra quolibet die conferri potest & in diocesi & extra.

Minores & sacri ordines vbi, & quando dari possunt. & ibi doct. de temp. ord. Præpos. in ca. quod à patribus. 75. dist. Quare ordines quatuor temporibus conferantur.

